

TOMVS SECVNDVS

MALLEORVM
QVORVNDAM MALE-
FICARVM, TAM VETERVM,
QVAM RECENTIVM AVTO-
rum : Continens

- I. M. Bernhadi Basin Opusculum de artibus Magicis, ac Magorum Maleficis.
- II. Ulrici Molitoris, Constantiensis V. I. Doctoris & Professoris Papiensis, Dialogum de Lamiis, & Pythonicis mulieribus.
- III. Flagellum Damonum: seu exorcismi efficacissimi, & remedia probatissima ad malignos Spiritus expellendos, eorumque facturas & maleficia effuganda: Per Fr. Ieron. Mengum, ordinis Minorum, praterito anno 1511. Bononia sub concessu Curia Episc. & S. Inquisit. excusum.
- IV. D. Ioannis de Gerson, olim Cancellarii Parisiensis, libellum de probatio Spirituum.
- V. M. Thoma Murner, Ordinis Minorum libellum de Pythonico contractu.
- VI. Felici Malleoli V. I. D. Cantoris quondam Thuricensis, & Prapostiti Solodorensis, Tractatus duos Exorcismorum seu Adimrationum.
Item, Tractatum eiusdem de credulitate Damonibus adhibenda.
- VII. R. P. F. Bartholomaei de Spina, Ord. Praed. Sacri Palatii Apostolici Magistri quastionem de Strigibus seu Maleficiis.
Item eiusdem Apologiam quadruplicem, de Lamiis: contra Io. Franciscum Pontasibium, V. I. D.



Cum Gratia & Privilegio Cas. Maiest. ad decennium.

FRANCOFORTI,

M. DC.

DE ARTIBVS
MAGICIS AC MAGO-
RVM MALEFICIIS OPVS PRÆ-
CLARISSIMVM, EXIMII SACRÆ LEGIS
disquisitoris Magistri Barnardi Basin, Cæsar-
augustanensis Ecclesiæ Canonici, nuper
à mendis quamplurimis e-
mendatum.

P R O O E M I V M.



CVM vos in audiendis *Magica artis*
disceptionibus attētissimos conspi-
cio, & rei magnitudinem meis oculis
subijcio, Illustrissimæ & Reuerendissi-
me domine, purpurati cœtus parti-
ceps & sacri consilii membrum, spectabilis Rector, sa-
cræ militiæ duces, proiudices incorrupti, aurati mili-
tes, & vos sacratissimi Dei studiū expositores, a quib.
abditissima quæq; doctrinarum omnium intelligun-
tur. Non mediocri molestia afficior, propterea quod id
onus ad me delatū intelligo q; vel ad plures doctissi-
mos & eloquentissimos viros impartitū impar eorū
virib. videretur, præsertim hoc in loco celeberrimo, et
apud cœlestiū artium præceptores, quibus de reb. ma-
gnis & grauib. iudicādi datur facultas. Itaq; vereor
cū non videā, quid tanto conspectui dignū. aut elegā-
tia dicendi, aut sententiarū grauitate à me possit af-
ferri satis ne mihi parū hac in re consuluisse iudicetur.

*Præfatio ad
auditores in
lectorio ha-
bita.*

Verum

Dictis paren-
dum maiorū.

Articuli hi
Parisienses
habentur in
Ioh. Bodini
Dæmone
mania, de ver-
bo ad verbū.

Magi
Druidæ.

Verum, quia in hoc est mea omnis disposita viuendi ratio, ut nihil esse ducam magis meum, quā dictis parere maiorum: Quapropter respondere dignum duxi ad quæstionē, quam proposuit sacra scientia summus interpres, grauitatis & consilii custos, cuius eloquio (ut audire potuisti) & sapientia, & vetustissimarum gentium memoria coniuncta est.

Protestari tamē primum necesse est, nil pertinaciter me dicere aut defendere velle. q̄ sacros. repugnet Ecclesie, aut Doctorib. per eam approbatis, seu articulis Parisiis condēnatis. Paucat amē p̄babiliter me adductū, gratia conferentie habendæ cū præsantissimis cōmilitonibus meis. Et quia disceptationi locus est, non orationi: pro quæstione proposita: Vtrū Christi doctrina fideles omnes a Magorum maleficiis purgentur.

NOtandum primo q̄ Magus vocabulum est Persicū, id denotās quod apud Græcos Φιλοσοφος & apud Latinos sapiens dicitur. Hos Galli Druidas vocare. Vnde Plin. l. 16. naturalis Historia in fine. Nihil, inq̄, habet Druidæ: ita. n. Galli suos appellant Magos. Aegyptij in ea significatione, qua nos sacerdotes et Graeci prophetas dixerunt. Inde Gymnosophistas Græco vocabulo: & sua interpretatione vocabāt. Babylonij nec nō & Assyrij suos Magos seu sapientes Chaldaeos vocauere. Itaq̄, Laertio teste, Magi apud Persas Deorū cultui maxime insistant. preces illis ac vota & sacrificia offerunt, de Deorū substantia & generatione dixerūt: cultū & vsū auri interdicūt. Post hac tractu tēporis ij tantūmodo Magi dicti sunt, qui ob facinorum magnitudinem vulgo Malefici appellantur.

Notan-

Notandū secundo. quod ars Magica, vt placet Plinio lib. 30. natur. Historiæ ab ipso Zoroastro (vt omnes auctores conueniant) in Perside ortum habuit: quæ (vt ait) fraudulentissima artium in toto terrarum orbe plurimis seculis valuit: & subdit.

De inuentō-
re Magicis.

Auctoritatem ei maximam fuisse nemo miretur, & sola, artium tres alias imperiosissimas humanæ mentis complexa, in vnā se redegit. Nā primo de medicina nemo dubitauit, hanc specie salutari irrepsisse, velut altiore sanctioreq; quam medicinā: ita desideratissima blandissimiq; pmissis addidisse vires religioni, ad quam maxime alligat humanum genus: Atque vt hoc quoq; suggererit, miscuisse artes Mathematicas, nullo non auido futura de se sciendi, atq; ea è cælo verissime peti credenti. Ita possessio hominū sensibus triplici vinculo in tantum fastigiū adoleuit, vt hodie etiam in magna parte gentium praualeat.

Magica Mē-
dicinā, Theo-
logiam, &
Mathesin sibi
colligauit.

De isto Zoroastre dicit Solinus, q̄ risit quando nasciebatur, & dicit August. q̄ ille risus, quia mōstruosus fuit (risit enim quando plorare debuit, vt plorant ceteri) nihil boni portendus, quod patuit. Inuentor artis Magica fuit, sed sua ars Magica ad infelicē terminum, sicut & ceteros Magos duxit: quoniā in pralio Ninus Rex Assyriorum eum superauit: & demum ictu fulguris occubuit: non obstante, quod Magus & Astrologus maximus esset: vnde Zoroastres viuens astrum dicitur.

De Zoroā-
stres risu cum
nasceretur.

Postea vero Democritus & Orpheus Magicam
ampliauerunt. His notatis sit prima
propositio talis.

Zoroastres
vium astrū
dicitur.

4 *De artibus Magicis, &c.*

SEQVNTVR DECEM PROPOSITIONES, probantes quod Dæmones possunt propria virtute homines decipere.

PRIMA PROPOSITIO.

Multa per artem Magicā in prestigijs & maleficijs possunt ostendi & fieri, quæ aspicientibus & causam ignorantibus videntur mira. Probatur primo per Augustin. lib. 28. de ci. Dei. Dum essemus, inquit, in Italia, audimus quasdam mulieres imbutas Magicis artibus, dato casu statim homines in iumenta conuertisse, quæ ut alia iumenta necessaria quæq; portabant: & finita opera iterum homines ab illis restitui, quib. (ut ait) mens semper humana cōseruata fuit. Apuleius etiā Platonice sectæ Philosophus scripsit. se in asinum apud Thessaliā veneficiis cuiusdam mulieris (dum per Magicā fieri ausu conaretur) conuersum fuisse, & tractu temporis in hominem restitutum. Plinius, Seneca, & Cicero certissime affirmant, messes in varios agros Magorum prestigijs traduci posse. Vnde Ouid. Carmine lasa Ceres sterilem vanescit in herbam. Et Virgilius in Bucolicis, Eclo. octaua: Atq; satas alio vidi traducere messes. Medea quoq; apud Ouidium libro Metamorphoseos septimo ex hac arte mirabilia patrasse narrat: Cum volui, ripis ipsis mirantibus, amnes in fontes red ère suos, concussaq; sisto, Stantia concutio, cantu freta nubila pello. Ex his & plurimis experientijs, quas breuitatis gratia missas facio, patet veritas propositionis.

Homines
mutati in iu-
menta.

SECVN-

SECUNDA PROPOSITIO.

Sicut mira multa per artem Magicam facta, corporibus celestibus minime sunt ascribenda, ita nec virtuti intellectus hominis, artibus Magicis veteris. Probatio prima partis: quia impossibile est, quod effectus, qui sunt proprii naturae intellectualis ex virtute celestis corporis causentur. Nam propria operatio cuiuslibet rei sequitur propriam naturam eius. Cōstat autem, quod locutio est actus naturae rationalis. In operibus autem Magorum aliqui colloquentes hominibus: & respondentes de diuersis negociis expresse audiuntur: quare impossibile est, quod huiusmodi effectus artis Magicae causentur vniuersaliter ex virtute corporis celestis. Nec potest dici, quod huiusmodi locutiones quae audiuntur in operibus Magorum, nō fiunt secundū sensum exteriorum, sed solum imaginarie & phantastice: quia huiusmodi locutiones indifferēter audiuntur ab omnibus circumstantibus. Hoc autem esse nō posset, si solum fieret secundū Magorum, quibus respondantur, imaginationes. Nam ea quae fiunt intrinsecus in imaginatione vnius, non percipiuntur sensibiliter extrinsecus ab aliis. Igitur prima pars vera.

Secunda pars probatur. Primo quidem, quia cum virtus sequatur essentiam rei: diuersitas vel identitas virtutis, diuersitatem vel identitatem indicat essentialium principiorū. Intellectus autem cōmuniter hominum talis conditionis inuenitur, quod eius cognitio ex rebus sensibilibus causatur magis, quam possit sua conceptione res sensibiles causare vel immutare. Si ergo

Corporib. celestibus nō ascribenda mira Magica.

Quō colloquantur Demones & Magi.

Mira Magica nō sunt ascribenda virtuti humani intellectus.

6 De artibus Magicis, &c.

sint aliqui homines, qui cōceptione intellectus sui possint virtute propria res naturales transmutare, erunt alterius speciei ab aliis hominibus, & dicentur equivoce homines cum eis, quod constat esse absurdum. Igitur impossibile est, quod virtute intellectus hominis, arte Magica utentis, efficiantur operationes artis Magicae.

Nō discimus
virtutem fa-
ciendi, sed so-
lum cognitio-
nem faciēdi.

Probatur etiam ista secunda pars, quia virtus agēdi seu faciendi non acquiritur per disciplinam, sed solum cognitio faciendi. Videmus autem, quod per disciplinam, aliqui homines pestiferi adquirunt, quod huiusmodi effectus Magicos efficiant. Non igitur est in eis virtus realis aliqua, per quam huiusmodi effectus Magicos efficiant, sed solum cognitio vel notitia in libris damnatis acquisita: igitur secunda pars propositionis vera.

TERTIA PROPOSITIO.

Artificialia
Magorū non
virtutem ha-
bēt ex cœlo.

Artificialia, quibus Magi utuntur ad benevolentiam, odium, vindictam, seu secretorum notitiā, aut alios quoscunque effectus artis Magicae, virtutem in se nullam habent ex cœlo nec aliunde. Probatio, quia figura secundum sui rationem abstrahit ab omni materia sensibili, cum sit quoddam Mathematicum. Sed talia Mathematica nullius actionis naturalis possunt esse principia, cum non sint actiua nec passiua. igitur propositio vera.

Imagines seu
figurae Mago-
rum non sunt
effectus cor-
porum cœle-
stium.

Item hominis figurae vel imagines, quibus Magi utuntur, non sunt effectus corporū cœlestium, sed potius hominis per artem illam operantis. Ergo opera artis

Magicae

Magica, que fiunt cum hominibus artificialibus, non sunt effectus corporum cœlestium. Nec dici potest, quod sicut corpora naturalia subduntur cœlestibus corporibus: ita et corpora artificialia. Et ideo sicut corpora naturalia sortiuntur quasdam virtutes occultas, cōtinentas speciem (sicut quod Magnes attrahit ferrum) ita & corpora artificialia, sub certa constellatione fabricata, sortiuntur virtutem occultam à corporibus cœlestibus, ad aliquos effectus producendos (que videtur potissimaratio Astronomorum) quia non videtur simile de istis & de aliis corporibus. Nam virtutes naturales corporum naturalium consequuntur formas naturales eorum, quas quidem formas sortiuntur ex impressione corporum superiorum: & ex eorundem corporum impressione sortiuntur quasdam virtutes activas speciem continentes. Sed forme corporum artificialium non sunt effectus corporum cœlestium sed procedunt ex conceptione artificis, eas in materiam inducentis. Igitur ex impressione corporum superiorum nullam prorsus virtutem activam, in quantum sunt artificialia, sortiuntur.

Taxantur
Astronomi,

QUARTA PROPOSITIO.

EX hac tertia propositione infertur quarta. Quia sicut imago leonis sculpta in signo leonis, nemine à passione renum vnquam liberauit. Nec virgilij Mæne musca anea ab vrbe Neapoli veras muscas fugauit: sic nec per imaginem aliam, aut sculpturam, circulum anulum, sigillum seu figuram immutantur hominum aut brutorum corpora: immobilitantur vel fugantur

An imago leonis, sculpta in signo leonis, curret tenes. An virgilij musca anea veras muscas abegit.

animantia, nec referantur ostia, patet propositio ex supradictis.

Et adhuc aliter probatur: quia vel talis est impressa virtus vel forma a superiori agente, sicut luna illuminatur à sole per lumen receptum. Vel hoc fit per solam motionem superioris agentis, absq; forma aliqua seu virtute eis inherente ad agendum: Sicut aqua maris fluit & refluit per motionem corporis cælestis. Non primū, quia cum operatio, quæ consequitur formam impressam, communiter inueniatur in omnibus indiuiduis, quæ sunt eiusdē speciei, sequeretur, quod omnia artificialia eiusdē speciei vel figuræ ingeniorū artificialium similes & conformes haberent actiones, quod falsum est. Nec secundum dici potest, quia cum operatio quæ sequitur solam motionem superioris agentis nō semper conueniat rebus motis, sicut non semper Oceanū fluit & refluit sequeretur, quod huiusmodi artificialia nō haberent actiones, nisi solum durante constellatione, sub qua sunt fabricata, cuius contrarium assertitur ab expertis. Igitur propositio vera.

QVINTA PROPOSITIO.

An carmina
Incantatorū
operentur a-
liquid.

Incantatores, carminum violentia nō inficiunt aut sanant homines, nec incantationibus cogunt de latebris exire serpentes: cum verba eorū scripta seu prolata de se, obseruata etiā constellatione, talia, aut eis similia nequaquam possint efficere. Probatur primoratione, quia ars nō producit materiam in qua operatur artifex: sed ea præsupposita superinducit formā. Verba autem humana habent materiam, sonos scilicet, ab

ore hominis sensibiliter prolatus. Significatione vero quasi formam habet ab intellectu. Vnde ad hoc datus est sermo secundum Philosophum, ut prae se sint nobis mutuae voluntatis indicia. Igitur sicut artificialia in quantum huiusmodi non habent efficaciam ad determinatos effectus artis Magica producendos ex virtute corporum caelestium: ita pari ratione nec verba incantatorum quantumcumque temporibus electis sint scripta, aut ex intentione & desiderio animae rationalis formata.

Idem habetur 26. quaest. 7. admoneant fideles, ubi habetur: quod Magica artes incantationis, infirmitatibus hominum nihil possint remedium conferre, sed hoc esse laqueos antiqui hostis.

Nec quenquam mouere debet glossa super illud Psalmi. Sicut Aspidem absurda obturant aures suas. Aspidem, inquit, ne vocem incantatoris audiat, unam aurem ponit in terra, alteram claudit cauda, ac si timeat, quod virtus verborum incantantis ad se perueniat. Non enim hoc facit Aspidem ex eo, quod verba incantantis intelligat (ut dicit Augustinus) sed quia in prolatione verborum sentit in se quandam immutationem: quam naturali instinctu refugit (sicut omne animal naturaliter refugit suum corruptivum) claudit organa sensus auditus: sicut & homo contra aliquem terribilem sonum apponit subito, & quasi sine deliberatione manus suas ad aures ne audiat sonum illum. Praedicta autem immutatio, quae fit in corpore serpentis ad verba incantatoris, non fit virtute verborum. Quae autem virtute fiat, dicetur in sequentibus. Et sic patet quinta propositio.

Quomodo intelligendum?
Aspidem obturare aures.

S. Augustini error.

SEXTA PROPOSITIO.

De intellectu
separato, Ma-
gorum opera-
tionibus se
immiscente.

Effectus mirabiles artis Magica efficiuntur ab intellectu separato, Magorum operationibus se immiscente. Probatur primo, quia Magi in suis operationibus utuntur quibusdā vocibus significatis ad determinatos effectus producendos: quæ quidem voces nihil aliud sunt, quam quedam inuocationes, adiurationes, seu imperia quasi vnius ad alterum colloquentis.

An anime
sint potiores
in iis qui mi-
racula edunt.

Vnde Aug. de ciuitate Dei dicit, & Porphyrus velut dubitās quærīt: utrū in diuinātibz, & quedam mirafacientibus, anima sint potiores quā in aliis. An aliqui spiritus extrinsecus veniāt: Et potius venire eos extrinsecus arbitratzr. Spiritus autē separatus aut est bonus aut malus. Non pōt autem dici, & huiusmodi effectus, qui fiunt per artē Magicam, fiant per bonos spiritus. Primo, quia nō est boni spiritus se familiarē exhibere sceleratis hominibz: aut prestare eis patrociniū in his quæ sunt cōtraria virtuti & veritati. Huiusmodi autē artibus Magicis utūtur vt frequēter homines scelerati, plerunqz, etiam homicidia & maleficia per eos pcurāt.

Bonos spiri-
tus non com-
municare,
Magis.

Nam secundū Isidorum vni. li. et hymo. vtiētes prædictis artibus Malefici vocātur. Quare manifestum est, quod per spiritum bonum huiusmodi effectus artis Magica nullo modo efficiuntur.

Magorum o-
pera ducunt
ad mendacia.

Præterea, Spiritus boni est ducere quantum in se est ad veritatem: Sed in operibus Magorum multa plerunque fiunt, quibus homines ludificantur, decipiuntur, & in errorem trahuntur. Igitur per bonum spiritum opera Magica non efficiuntur.

Idem

Boni spiritus non est, ut se subdat minori, si sit superior.

Magi imperant illis, quibus primo supplicabatur.

Idem patet ex hoc, quia non est spiritus boni, ut si sit superior, minori, vel pari subdatur: aut si sit inferior, ut sibi à superiore supplicatione fieri patiat. Sed Magi & Necromantici in suis operationibus inuocant eos, quorum auxilio utuntur, suppliciter quasi superiores. Cum autem venerint, imperant eis quasi inferioribus, ut patet per libros acres et sacros illius artis. Quare manifestum est, quod hominis effectus artis Magica per bonos spiritus non efficiuntur. Relinquitur ergo &c.

SEPTIMA PROPOSITIO.

Quod tales effectus artis Magica sunt per malignos spiritus, quos nos Dæmones vocamus. Hoc expresse dicit Aug. 3. de tri. Per Dæmones, inquit, Magica artes possunt, quicquid possunt valere nec aliquid, nisi data desuper potestate. Datur autem vel ad fallendum fallaces, sicut Aegyptios: & in ipsos Magos data est, ut in eorum spirituum operatione viderentur admirandi, à quibus fuerant damrandi. Ex quo repellitur error gentium, qui huiusmodi operationes Dijs bonis attribuebant: Contra quos dicit Augusti lib. 85. Deus per semetipsum neminem decipit, sed per talem Angelum, qui sua voluntatis perversitate, vel ad vindictam peccatorum, vel ad exercitationem eorum, qui secundum Deum nascuntur, ordinatur. Et idem 11. super gene. ad litteram. Quod enim, inquit, putatur audire serpentes, vel intelligere verba Magorum, id est incantatorum, ut eis incantantibus exilient plerumque, de latebris in illius vis Diaboli operatur. Et subdit infra, Gaudet enim Dæmones hanc potestatem sibi dari, ut ad incantationes homi-

Magica arte datur ad fallendum fallaces.

Quomodo Deus dicatur decipere.

hominum serpentes moueantur, vt quolibet modo fal-
lant quo possunt.

OCTAVA PROPOSITIO.

De aspectu
fascinantii.

Fascinatrices suo aspectu maleuolo immutare pos-
sunt infantium tennerrima corpora, et vsq; ad gra-
uem infirmitatem ea quandoq; alterare. Hanc propo-
sitionem probat Auicenna: quia substantiis separatis
multo magis obedit materia corporalis ad productio-
nem alicuius effectus, quam qualitatibus actiuis et pas-
siuis in natura. Nam ad apprehensionem substantia-
rum separatarum fiunt multa in istis inferioribus pra-
ter cursum corporum caelestium, & aliorum naturali-
um agentium.

Ex sola ima-
ginatione a-
nimę, calefcit
aut frigeſcit
corpus.

Quod patet de anima, qua si fuerit fortis in sua ap-
prehensione, immutat corpus proprium: sicut ex sola
imaginatione anima corpus calefcit: vt patet in cōcu-
piscenſibus & irascenſibus, vel etiam frigeſcit, sicut
contingit in timentibus. Incurrit etiam quandoq; ex
hac in febrem, aut aliquam aliam agritudinem.

An animę pu-
rx & propriū
corpus & ali-
orum corpo-
ra obediunt.

Et per hunc modum dicit, quod si anima coniuncta
corpori fuerit depurata à vitio, & fuerit fortis in sua
apprehensione, quod tunc obedit ei non solum corpus
propriū, sed etiam corpora aliorum. Hinc & secundū
eū, quod aliqui sancti viri operantur multa mira pra-
ter solitum cursum naturę: ita quod ad eorum appre-
hensionem sanatur quandoq; infirmus, vel aliquid hu-
iusmodi. Et consimiliter dicit, quod si anima fuerit se-
data vitio, & habuerit fortem apprehensionem in ma-
litiis, obedit ei materia corporis alieni ad transmuta-

tionem

tionem, præcipue in illis, in quibus materia est apta ad receptionem impressionum sicut contingit in infantibus propter teneritatem carnis, sicut cera molli facile recipit impressionem sigilli. Et istam posuit Auicenna causam fascinationis.

Nam ex forti apprehensione vecularum obstinatarum in malitia, immutatur corpus infantis ad infirmitatem, vel ad aliquam passionem.

Quo aspectu
fascinetur
corpora in-
fantum.

Sed ista ratio Auicenna non valet, nec in se: nec in confirmatione, per exemplum quod adducit. In se quidem, quia secundum Augustin. materia corporalis non obædit Angelis, nec multo minus animabus ad nutum, quantum ad corporalem transmutationem, sed soli Deo.

Exemplum autem quod adducit pro confirmatione non valet propter duo. Primo quidem, quoniam ex sola apprehensione aut imaginatione animæ coniunctæ, non sequitur aliqua mutatio corporis, nisi illa apprehensioni fuerit adiuncta aliqua affectio, puta gaudij vel timoris, concupiscentiæ aut ira, aut alterius passionis, per quas variatur modus cordis: & etiã spirituum procedentium a corde, ex quibus quidem spiritibus, vel retractis ad corpus passionem: timoris, vel diffusis ad membra per passionem gaudij, sequitur alteratio aliqua in corde, quæ potest esse causa infirmitatis, si materia sit disposita.

Secundo, quia maior est colligentia animæ ad corpus suum, quam ad corpora aliorum: & quia immutatio corporalis est per contactum, magis est natum corpus proprium transmutari ex apprehensione animæ quam corpora aliorum.

Dicendum

Quomodo
oculi prope-
ctum corpus
inficiant.

Dicendum est igitur, quod transmutatio corporis, quæ sit per fascinationem, non prouenit ex hoc, quod imaginatio vel apprehensio vnius animæ immutet immediate corpus alterius hominis. Sed ex hoc quod mediante motu cordis & spirituum (vt dictum est) immutatur corpus proprium coniunctum, quæ quidam immutatio spirituum maxime inficit oculos. Oculi autem infecti inficiunt medium, medium autem infectum inficit corpus prospectum si fiat facile immutabile. Sicut videmus, quod oculus menstruata inficit speculum, & precipue si sit nouum, vt habentur in li. de somn. & vi. Sic igitur ex forti apprehensione alicuius vetulæ in malitia indurata immutatur modus cordis & spirituum. Quæ quidem immutatio proueniens ad oculos inficit ipsos. Oculi autem infecti, inficiunt vicinum aerem, aer autem infectus inficit corpus infantis propter eius teneritatem: & ita ad maleuolū aspectum vetularum inficitur modo predicto infans & fasciatur, ita quod cibum euomat, & infirmitatem incurrat.

NONA PROPOSITIO.

Quomodo
corporalia
obediant De-
monibus.

Tantavirtute Dæmones corporalibus rebus præsumunt, vt possint Deo permittente elementa commouere, mare concitare, montes & colles destruere, arbores herbasque disseccare, brutorum corpora atque hominum subintrare, vexationes, infirmitates & mortem ipsam procurare. Præbatur propositio, quia corporalia obediunt Dæmonibus quoad motum localem, vt patet per Augustin. 3. de tri. Sed predicta possunt fieri per transmutationē localem rerum corporalium. Patet de
infr-

infirmi-
tate & morte, de quibus minus videtur. Cum enim sanitas consistat in conuenienti dispositione & ad-
equatione humorum, possunt Dæmones commouere hu-
mores corporis, & violenter exagitare: ad quod seque-
tur perturbatio sanitatis dolor, infirmitas, aut corpo-
ralis vexatio: sicut de Saul rege vexato à Diabolo legi-
tur 1. Reg. 16. Spiritus nequæ exagitabat eum. Erat aut
ista agitatio interior vehemens commotio. Patet etiam
de stimulo carnis Pau. dato. 2. ad Cor. 12. vbi dicit glos-
sa Augustini dolore quodam corporis traditur Aposto-
lus vehementer exagitatus. Patet insuper Luca 13. de
muliere detenta in infirmitate annos decem & octo, a
qua dominus spiritum infirmitatis eiecit.

Sanitatem
facile pos-
sunt turbare
Dæmones.

Potest igitur Dæmon vexationes grauissimas causa-
re, ad quas Deo permittente sequetur mors. Potest etiā
Dæmon ab intrinseco violentias inferre, vt patet de se-
ptem viris Sara, Thob. 3. quos Asmodæus interfecit. Et
de Iob patientissimo, qui Sathana potestatem in rebus
secundis & corpore expertus, spiritu secundo edoctus
ait, nō est potestas super terram, quæ valeat ei compa-
rari. Et sic patet veritas propositionis.

Ergo duobus
Dæmonibus
inuicem suc-
cedentibus
vexatus est
Iob.

Ex his infertur, quod Dæmon propria natura po-
testate interius & exterius potest homines variis
illusionibus decipere. Probatio prima partis: quia ea
quæ ex motu locali aliquorum corporum causari pos-
sunt, naturali virtute Dæmonum subsunt, vt ex su-
pra dictis patet. Sed apparitiones imaginariae causan-
tur interdum in nobis per operationem naturæ ex lo-
cali mutatione corporalium humorum & spirituum,

De causa so-
mni.

Vehementer
studentes ha-
bent miras
apparitiones
& imagina-
tiones.

De Præstan-
tio conuerso
in iumentum.

vt dicit Philosophus in lib. de somno & vigiliis. Vbi-
spandit causam apparitionis somniorum dicens, quod
cum animal dormit, descendere plurimo sanguine ad
principium sensitiuum, simul descendunt in spiritu ani-
mali impressiones relictæ ex sensibilibus motionibus,
quæ in spiritibus sensualibus conseruantur, & mouet
principium sensitiuum apprehensiuum, ita quod ali-
qua apparent, ac sit tunc principium sensitiuum arebus
temporis exterioribus immutaretur. Tanta etiam po-
test esse motio horum spirituum & humorum, quod
non solum dormientibus, sed etiam vigiliantibus huius-
modi apparitiones fient: sicut contingit in phreneti-
cis, arreptitiis, & vehementer studentibus.

Igitur apparitiones imaginaria poterunt fieri in ho-
mine per Demones, humores, & spiritus interiores co-
mouentes: ad quod sequitur varia ordinatio phantasma-
tum, vt varias representationes faciant eis quos deci-
pere cupiunt. Et quia tunc anima conuertitur ad huius-
modi similitudines, sicut ad res, videtur homini quod sit
equus oppressus onere. Quemadmodum videbatur patri
isidori Præstantii se fuisse caballum, & annonam cum
aliis bestiis portasse, vt recitat Aug. 18. de ciu. Dei. &
dicit ibi Aug. quod ita inuentum est. Quod est intelli-
gendum, quod pater Præstantij, & alij (quos ibi reci-
tat August. per Magas mulieres fuisse conuersos in iu-
menta onera portantia) phantastice solū fuerunt con-
uersi in iumenta: sed portatio prima onerum fuit ve-
ra, non quidem facta per homines, sed per Demones.

Sic etiam videtur aliquibus, quod transferantur de

loco ad locum, cum societate magna. Vnde quedam muliercula inferuientes Sathana, Daemonum illusionibus seducta, credunt se, & profitentur nocturnis horis cum Diana paganorum Dea in magna mulierum multitudine equitare, & alia nefanda agere, puta paruulos à latere matrum accipere, assare, & comedere, domos per caminos seu per fenestras intrare, & habitantes variis modis inquietare: Quae omnia & consimilia aliquando solum phantastice accidunt eis.

Vnde August. 7. super Gene. ad literam, Illa, inquit, quae feruntur accidisse, ut quidem recordarentur, se in quorundam animalium corporibus fuisse, aut falsa facta narrantur, aut ludificationibus Daemonum hoc in eorum animis factum est. Si enim contingit, ut quis in somnis fallaci memoria recordetur, se aliquid fuisse quod non fuit, aut fecisse quod non egit, quid mirum, si quodam de isto occulto iudicio sinantur Dæmones etiam in cordibus hominum vigilantium tale aliquid posse.

Idem videtur sonare capitulum illud 26. quest. 5. Episcopi, ubi habetur, quod muliercula illa, quae dicunt se ductas ad loca remota, imaginarie tantum ducuntur. Et est illa ambulatio in imaginatione, & non ingressu pedum.

Istud tamen decretum videtur reddere Maleficos audaciores, ad introducendum alios in suam sectam, & Iudices Ecclesiae ad inquirendum de maleficiis remissiones, & sic videtur parare viam ad cultum idololatriæ. Propter quod dicendum, quod decretum illud fuit sum-

Prestigia Dæmonum in nocturnis equitationibus mulierum,

De imaginariis ambulationibus muliercularum.

Decretum 26
9.6. Episcopi
infirmatur.

Canones ta-
xantur, quasi
male allegēt
sacram scri-
pturam.

ptum ex concilio quodam particulari: & non ex al-
quo quatuor conciliorum generalium, & ideo non sub-
citur tanta auctoritate, sicut alia plurima decreta. Vi-
detur etiam leuitate quadam fuisse factum: quod pa-
tet in exemplo Ezechielis, quod adducit ad probandū
quod deportatio illarum mulierū fiat solum in phan-
tasia, & non realiter: vbi sic habetur: Quis vero tam
stultus & hebes sit, qui hac omnia, qua in solo spiritu
sunt, etiam in corpore accidere arbitretur, cum Eze-
chiel Prophetā visiones quā Domini sunt, in spiritu
in corpore viderit: sicut ipse dicit: statim inquit fuit
spiritu.

Quod si Ezechiel existens in Chaldaa, dicit se fuisse
in spiritu in Hierusalem: hoc non probat intentum: nisi
si adderetur, quod Ezechiel non potuit ibi esse praesentem
nisi in spiritu, & non in corpore, quod falsum est. Nam
& Abacuc a Iudaea in Chaldaam confestim translatus
est. Daniel. 14.

Saluatio capi-
tuli Episcopi.

Veruntamen pro reuerentia sacri voluminis dicendum,
quod si capitulum illud Episcopi, intelligatur, ut edi-
portationes & apparitiones illarum mulierū aliquando
fore imaginarias solum, non negando, quin possint esse
esse vera & reales, & quin aliquando praedictum capi-
tulum est tanto volumine dignum. Si vero intelligatur
tur, tales deportationes non posse aliter quam imaginari-
nae fieri, dictis sacra scriptura manifeste repugnante
Et quod subditur in illo capitulo, quod qui talia credunt,
infidelis est, & pagano deterior, hoc intelligitur de
qui credunt diuinos cultus Diana, aut Herodias

bere exhiberi, sicut illa mulieres credebant.

Sed quid de quibusdam vetulis, quae se in rapto di-
scunt videre animas purgatorii, & plura alia, ut
furta, & res perditas: quarum pedes pro tunc adusti
non sentiunt ignem? Dicendum, quod Demon phan-
tasmatum in imaginatione earum tantum intendit, ut
extra nihil sentiant. Exemplum de habentibus mor-
bum caducum, qui etiam adustionem non sentiunt in
infirmitate sua: quia interioribus passionibus pressi,
extra non sentiunt ignem. Augustinus etiam de ciuitate
Dei recitat de quodam qui ad modicum alicuius gemit-
um, se adeo ad interiora conuertere poterat, ut nec
occes, nec puncturas, nec vellicantes sentiret, imo tan-
quam in defuncto nullus anhelitus sentiebatur.

Sed unde est, quod feminae in maiori multitudine
reperiuntur superstitiosae & Maleficae quam viri?
Respondetur, quod triplici ratione. Primo, quia prona
sunt ad credendum. Fidem autem malam Demon prin-
cipaliter querit, unde Ecclesiastes decimo nono: Qui cito
credidit, leuis est corde & minorabitur. Secundo quia a-
liqua (propter fluxibilitatem complexionis) facilio-
sus sunt impressioni ad reuelationes capiendas per in-
uentionem separationum spirituum. Et Guilielmus Parisien-
sis dicit, quod cum complexionis sua bene utuntur, mul-
ieres bonae sunt: cum vero male, peiores sunt. Tercio,
quia linguam lubricam habent, & ea quae mala arte
crederunt, comparibus feminis vix calare possunt, sequen-
ter de muliere cum vires non habeant, per maleficia vindicare
conantur. Unde Ecclesiasticus 25. Commorari Leonem &

De vetulis
corruptis, et
dentibus ani-
mas purga-
torij.

De correptis
non sentien-
tibus ignem.

Cum feminae
us sexus ma-
gis quam mal-
culinus prop-
deat ad Magi-
am.

Draconi plus placebit, quam habitare cum muliere nequam.

Quod Damones etiam exterius possunt homines deludere.

Ex supradictis patet prima pars propositionis, videlicet, quod Damones interius homines decipere & ludere possunt.

Secunda pars, scilicet, quod exterius possint illudere. Patet primo ratione organi sensus particularis exterioris: quod cum materiale sit, potest per Damones male disponi, ita ut videatur res aliter esse quam sunt, quemadmodum febricitantibus propter indispositionem linguae, dulcia amara esse videntur. Ex parte vero obiecti, circumponendo aliquid circa obiectum: sicut quando corpus album videtur mediante vitro rubicundo: illud album videtur rubicundum.

De sociis Diomedis in aues veris exemplum.

Potest etiam illudere quadam agitatione, occurrando quadam, & alia effiendendo: sicut socii Diomedis fuerunt subito subtrahiti, & ducti ad loca remotissima, & vera oves insolita fuerunt ibi posita, quae pro templum Diomedis multo tempore volauerunt, & illudebantur hi qui credebant socios Diomedis in conuersos.

Herba faciens trabes apparere serpentes.

Alio modo potest illudere, applicando res aliquas naturales, quarum virtus est, ut faciant apparere aliter quam sint: sicut est herba quadam accensamigans, quae facit trabes apparere serpentes.

Potest etiam assumpto corpore illudere. sicut apparuit lactuca Momali, ut refert Gregorius primo libro Dialogorum. Et sic patet propositio, quod Damones suis illusionibus possunt homines illudere.

Visis mirabilib. effectibus Magica artis. & magna
Demonis potētia paucis videre restat: Cur ad vo
ca Necromanticorum, Hydromanticorū, Chiroman
ticorū, Augurum, Auruspicum, Fascinatorum, Pytho
nicorum, aliorumq; Maleficorū sua scientia extensif
sima, ac potestate quā maxima, paratus assīstat? Di
cendum breuiter, quod hoc prouenit, quia Dæmones
vident saluti hominum, & ideo prouident ad nutri
endum & trahendum eos in errorem. Propter quod,
secundum quod vident vnumquemq; circa diuersa cu
rīose & superstitiose aliquid obseruantem, ingerunt
se sponte obseruationi eorum.

Dæmones a
lunt curiosi
tates & super
stitiones.

Secundaratio, quia homines in signum subiectionis
& reuerentia Deo vero sacrificia offerūt, hymnos ca
unt, inuocationes, prostrationes, & alia huiusmodi
ad cultum latrīa pertinentia faciunt. Idcirco Dæmo
nes, quorum superbia ascendit, semper appetūt quam
maxime huiusmodi reuerentia signa sibi ab hominib.
exhiberi: & ideo operationibus talia sibi exhibentium
sentissime se immiscēt.

Cacodæmo
num super
bia ascēden
dit.

Notandum secundo, quod inuocare ex parte inuo
cātus duo importat. Primum est, inuocantē cre
dere alicuius rei, utpote, scientia, potentia, pecunia seu
rei alterius se pati inopiam & defectum. Alterum est,
credere illum defectum non fore sibi immobiliter affi
xum, quin valeat per aliquem liberari, quod inuocans
desiderat.

De inuoca
tione Dæmo
num in adiu
torium.

Ex parte inuocati importat alia duo. Primum est,
credere in ipso inuocato esse potentiam ad liberādum.

inuocantem à tali defectu. Ad Rom. 10. Quomodo inuocabunt eum in quem non crediderunt? Alterum est credere, quod ille qui inuocatur, à tali aditorio conferendo si conferre voluerit, nullus poterit impedire. Vel saltem est amicus & familiaris illius, quem nullus potest impedire.

Ex parte finis inuocationis importat duo. Primum, quod credit inuocatū humiliationibus, & obsecrationibus ad præstandū patrociniū inclinari. Alterum, quod inuocans talia facit, vt ab inuocato iuuetur. His notatis ponuntur quedam conclusiones.

PRIMA CONCLUSIO.

SI Demon inuocetur, siue tacite siue expresse cū sacrificio & adoratione, si credit ipse inuocans, Demonem forte Deum, à quo petit auxilium: talis inuocans Hæreticus est. Patet, quia credere Demonem fortè omnium creatorem, Hæresis est. Ergo Damonē inuocans, & hoc credens Hæreticus est. Consequentia patet, antecedens sit evidens: quia obuiat primo articulo fidei, & variis passibus sacri Canonis, vbi habetur Demonem initium habuisse, deliquisse, & in malum obstinatum remansisse, quæ de omnium creatore nesci est dicere.

SECUNDA CONCLUSIO.

INuocans quouis modo Damonem, non credens eum esse Deum, sed Dei amicum & charū, & ideo ipsum inuocat, vt cum Deo, quod petit sibi obtineat, talis inuocans Hæreticus est. Patet, quia credere Demonem non esse in culpa obstinatum, Hæresis est, ergo credens ipsum

Demonem
adorantes
credunt eum
amicum
Deo.

ipsam fore Deo charum & amicum, Hæreticum est. Consequentia claret, & antecedes patet: quia in multis passibus sacra Scriptura habetur, quod Diabolus est obstinatus. Vt patet Apocalypseo duodecimo & tredecimo. Et extra. de summa Trinitate & fide Catholica, capitulo primo.

TERTIA CONCLUSIO.

Inuocans Damonem, & non credens ipsum esse Deum, aut Dei amicum, imo in malo obstinatum credat tamen ipsum inuocare, non esse peccatum, aut saltem non graue peccatum. Hæreticus est. Patet quia in multis sacra Scriptura locis habetur, quod inuocare, consilere, vel aliquid ab eis expetere, graue peccatum est. Vnde Deuter. 20. Anima, qua declinauerit ad Magos & Ariolos, interficiam illam de medio populi mei. Item, quia in omni inuocatione Daemonis fit pactum cum eo. Qui cum verum aliquando dicit, hoc facit, ut assuescat ad hoc ut ei credatur.

QUARTA CONCLUSIO.

Inuocans Damonem tacite vel expresse, non credens ipsum fore Deum nec Dei amicum, sed potius in malo obstinatum, & quod inuocando grauiter peccat. Sed hoc facit, ut quod optat à Damone obtineat, talis in re Hæreticus non est, licet pro Hæretico sit habendus. Probaturs prima pars, quia talis non discedit corde à fide, Igitur hæreticus non est. Secunda pars patet, quia Ecclesia iudicat de interioribus per exteriora.

Diabolus aliquando dicit verum, ut falsum obtineat.

Quidam pro hæreticis sunt habendi, etsi tales in re non sint.

QVINTA CONCLUSIO.

Petens à Dæ-
mone ipsius
potentiam
excedentia,
Hæreticus
est.

Petens à Dæmone inuocato ea quæ excedunt Dæmoni potentiam, inuocans tamen, credit Dæmonem ista posse: puta mortuū suscitare, (vt Saul videbatur credere posse Pythoniā facere) talis inuocans, sic petens & credens, Hæreticus est. Patet, quia qui credit alium à Deo à se posse facere, quæ pertinent præcise ad diuinum posse, Hæresis est: quia tunc alius à Deo non foret, sed Deus ipse foret, ergo hoc à Dæmone petens, & sic credens, Hæreticus est. Antecedens & consequentia ex se patent.

SEXTA CONCLUSIO.

Dæmon libe-
rum arbitriū
hominis co-
gere non po-
test.

Petens à Dæmone ea quæ sunt contra humani arbitrii libertatem vt quod cogat mulierem ad cōsuetudinē libidinosi hominis voluntati, vel ad aliquid, super quo habet dominium sui actus faciendi, & credens inuocans Dæmonē ista posse, Hæreticus est. Patet, Nam credere liberum arbitriū hominis à Dæmone posse cogi, est Hæresis: quia directe obuiat dictis sacra Scriptura. Dicitur enim Ecclesiastici decimo quinto: Deus à initio constituit hominem, & reliquit eum in manu consilij sui. Et Genesis decimo: Sub te erit appetitus tuus, & tu dominaberis illi. Et Rom. 8. Scio quod ne Angeli, neq; principatus, neq; potestates poterunt separare a Charitate.

SEPTIMA CONCLUSIO.

Petens à Dæmone ea quæ non excedunt eius potentiam, vt puta, ligare virum, ne carnaliter vxorem cognoscat, aut quod domū alicuius euerat: & credens

Dæmon

Damonem talia posse etiā si non sit permissum à Deo: talis inuocans & petēs Hæreticus est. Patet, quia talis de primo articulo fidei, (nempe de Dei omnipotentia) male sentit, ergo Hæreticus est. Male etiam sentit de sacra Scriptura: quia hominē percutere, ignem immittere, ventum cōmouere, & domum euertere, (secundum beatum Augustinum. & recitatur 26. quæst. 5. c. Nec mirum.) Non excedūt naturalem Damonis potestatem. & tamen ista non egit Sathan contra beatum Iob, nisi a Deo permissus & licentiatus, vt patet Iob primo. Patet etiam in Magis Pharaonis, qui impediri a domino cinifes facere non potuerunt. Exod. 8.

OCTAVA CONCLUSIO.

INuocans Damonem, & petēs ea quæ excedunt Damonis naturalē scientiam, vt pote, futura quæ non habent causas determinatas in natura, sed dependēt à Dei vel hominis volūtate, vt quis bella geret, quis auaritie inferuiet, quis gladio aut veneno peribit, quis damnabitur, aut quando extremi iudicij dies erit: talia petens, & credens Damonem ista scire. Hæreticus est. Patet, quia scire prædicta futura, est solius Dei, Ps. 41. Annunciate quæ ventura sunt in futurum. & sciemus, quia Dii estis vos. Et Actuum 1. Non est vestrum nosse tempora, vel momenta, quæ pater posuit in potestate.

Excedentia
naturalem
Dæmonum
scientiam.

Ex hoc patet error Genethliacorum, qui ex die natiuitatis fortunam hominis ac successum, etiā in singulis actibus prænunciare se posse iactant: quos irridens lunenalis ait: Si prurit frictus ocelli Angelus, inspecta genesi collyria poscit. Nec obstat, si Astrologi de talibus

Genethliacorum error.

Secundum
passiones
partis sensi-
uæ homines
altris subi-
ciuntur.

sapius vera prædiciunt, quia ut plurimum homines pas-
siones partis sensitivæ sequuntur, secundum quam astris
subiiciuntur. Patet etiam error divinantium per so-
mnia futuros hominum eventus, a libero arbitrio de-
pendentes.

De somniis,
quæ sunt cau-
sæ futurorū
eventuum.

Est tamen hic sciendum, Quod quadam sunt so-
mnia, quæ sunt causæ futurorū eventuum: ut quā-
do ex his quæ somnians vidit, movetur postea in vigiliā
ad aliquid agendum aut vitandum, ut recitat Galenus
de quodam Cræco, qui somniavit: quod si minueretur
in eisdem digitis, sanaretur: qui cum euigilasset, se-
cit minui & sanatus est.

Alia sunt somnia, quæ solum sunt signa futurorum
eventuum, & non causa, ut sunt illa, quæ habent cau-
sam convenientem eis & futuris eventibus siue illa cau-
sa fuerit corporalis, siue spiritalis. Corporalis quidem
ut quando ex impressione cælestium corporum & et-
iam aeris circumstantiis immutatur corpus & imagi-
natio dormientis. Sic dormienti apparent aliqua visio-
nes conformes dispositioni corporum cælestium & ele-
mentorum: prout sunt causæ aliquorum eventuum fu-
turorum, sicut quando disponuntur elementa ad serenitatem,
vel pluviam, aut aliqua huiusmodi appa-
rent dormienti aliqua phantasia, conformes illi disposi-
tioni. Unde & bruta animalia percipiunt frequenter fu-
turos temporum eventus serenitatis & pluvia, ex cir-
cūstantiis aeris immutatione. Et ita dicit Philosophus
octavo Physicorum, quod a cōsistente nos, sunt multa
mutationes in nobis.

A continēt
nos multæ
fructu muta-
tiones in no-
bis.

Spiri-

Spiritualis autem causa somnii est quandoq; Deus, Causa somniorum
Deus vel
Diabolus.
quandoq; Diabolus, Deus quidem, ut quando mini-
sterio Angelorum reuelat in somniis aliqua futura, quo-
rum ipse est futurus causa, secundum illud Num. 12.
Si fuerit inter vos Propheta Domini, in visione appa-
bit ei, vel per somnum loquar ad eum. Diabolus autem
ut quando ad deceptionem hominum disponendo inte-
rius phantasma, facit apparere aliqua futura, quae
ipse est factururus.

Alia sunt somnia, quae nec sunt causa futurorum De somniis,
quae sunt
motus simu-
lacionum.
euentuum, nec signa: sed sunt solū motus simula-
tium. sicut sunt omnia illa somnia, quae causantur in
dormiente ex aliqua causa interiori: quae duplex est,
animalis scilicet, & corporalis. Animalis quidem, ut
quando occurrunt homini dormienti phantasmata
conuenientia eis, circa quae eius cogitatio vel locutio
fuit in vigilia immorata. Vnde homines solliciti & co-
gitatiui circa aliqua frequenter somniant de illis. Ideo
dicit Macrobius super somnio Scipionis: Sape fit, ut co-
gitationes sermonesq; nostri appareant aliquid in so-
nio tale, quale vigilans sapissime solebat agitare vel
loqui. Propter quod Claudian. dicit:

Omnia quae sensu voluuntur vota diurno,

Pectore sopito redit amicitia.

Quis venator defesta thoro cum membra reponit,

Mens tamen ad siluas, & sua lustra redit.

Corporalis autem, sicut quandoq; ex aliqua interio-
ri dispositione corporis formatur aliquis motus in
phantasia dormientis, conueniens illi corporali disposi-
tioni

Frigida natura
somnia
sunt de a-
quis.

tioni sicut homini, qui abundat in frigidis humoribus, occurrit in somno plantatio, quod sit in niue vel in aqua. Propter quod Medici dicunt, intendendum esse somniis ad cognoscendum interiores hominis dispositiones.

Cholerici som-
niant ignea.

Ad hunc etiam modum reducuntur omnia somnia, sequentia complexionem hominum, sicut Cholerici somniant ignea & agilia: unde somniant frequenter se volare, comburi. Flegmatici somniant aquatica, ut quod sint in aqua vel niue. Et Melancholici somniant nigra & discolorata: Sanguinei vero lata.

Melancholici
nigra.
Sanguinei
lata.
Cibus variat
somnia.

Ad hunc etiam modum reducuntur omnia somnia, que sequuntur naturas ciborum. Nam quod complexio facit per naturam, hoc cibus facit per accidens.

Affectiones
formant so-
mnia.

Ad hunc etiam modum reducuntur omnia somnia, que sequuntur appetitum hominis & affectionem sicut avarus somniat de auro & argento, famelicus de cibo, studiosus de lectione & disputatione. & sic de aliis.

Ad hunc etiam modum reducuntur omnia sequentia naturas & conditiones infirmitatum. Tales tamen cause somniorum, non sunt cause futurorum euentuum, sicut prima. Unde huiusmodi somnia per accidens se habent ad futuros euentus, & si quandoque simul concurrant, hoc erit casuale & fortuitum.

Si quis ergo utatur somniis ad præcognoscenda futura, secundum quod somnia procedunt ex eleuatione diuina, vel ex causa naturali intrinseca, quantum potest virtus talis se extendere, non erit diuinitas illicita. Si autem huiusmodi Diuinitas causetur à Damone, cum

quo

quo pacta habentur expressa (cum ad hoc inuocatur)
vel tacita, tunc erit illicita & superstitiosa.

De iis, qui di-
uinant per fi-
cta pictaque
puncta, & plu-
bum liquefa-
ctum.

Sed quidem de Magis, Geomanticis, Hydromanticis,
Pyromanticis, & aliis Diuinatoribus consimilibus, qui
ex protractionibus punctorum factis sine deliberatio-
ne, & ex proiectione plumbi liquefacti in aqua aut ex
aliis huiusmodi vanitatibus futura prænunciare vidē-
tur. Dicendum, quod prænunciationes quæ fiunt ex ta-
libus signis, originem habent à Damone, qui se immif-
cet descriptionibus punctorum, & aliis superstitiosis
observantiis, & eius operatione disponuntur prædicti
motus præter deliberationem existentes. secundum quod
congruit dispositioni futurorum euentuum, eorum
quidem quos naturaliter ipse cognoscit.

NONA CONCLUSIO.

SI petantur à Damone pronuntiari certitudinali-
ter futura, quæ habent causas determinatas in na-
tura, non de necessitate producentes, sed vt in pluribus
& frequenter, vt predicere, si pluuia, siccitates aut ste-
rilitates erunt, & credat inuocans Damonem siue ista
certitudinaliter euenire, talis Hæreticus est. Patet, quia
talis certitudinalis huiusmodi futurorum cognitio-
nem, quæ pertinet soli Deo, credit pertinere etiam cre-
atura, & per consequens creatura fore Deum, ergo sic
credens Hæreticus est.

DECIMA CONCLUSIO.

SI petatur à Damone reuelari præterita, vel presen-
tia nobis abscondita, Damoni autem manifesta, et
credat inuocans, talia per Damonem reuelata, infalli-
biliter

Qui petit à De-
mone vt sibi
reuelet futu-

es, credit Dia-
bolū non esse
mendacij pa-
trem.

biliter ita esse sic credens Hæreticus est. Patet, quia credere. Damonem non fore mendacij patrem & verum semper esse eius sermonem vel reuelationem, Hæresis est, quia repugnat sacra Scriptura. Vnde Ioā. 8. habetur. Ille homicida erat ab initio. & in veritate non stetit, cum loquitur mendacium ex propriis loquitur, quia mendax est.

Mendacium
obmutescat.

Vnde Chrysost. super Matth. super illo verbo, quod dixit Iesus Damonibus mutescite Salutiferum, inquit, nobis dogma datur, ne credamus Damonibus quamcunque denuncient Veritatem. Et quia Magi, Malefici incantatores, & Damonū inuocatores talia multa de Damonis potentia & scientia pertinaciter credunt. merito tales à Christi fidelibus tanquam Hæretici sunt euitandi.

Contra Ma-
gistrum quē-
dam, qui de-
fendebat, Ma-
gicas artes ad
salutem con-
ducere fide-
lium.

EX supradictis infero quod artes Magicae quae inuocationes Damonum & pacta cum eis consulant, merito omni iure sunt prohibita: quia mala & perturbatiua omnis Politiæ, Cuius oppositum tenuit praclara intelligentia vir Magister & Dominus nouissime Vesperiatius in simili actu dicens, quod studij Magicarum artium valet ad salutem fidelium. Et quæ probatio corollarij mei est sui dicti confutatio.

Probatur primo, quod iure naturali hæ artes sunt prohibita & male: quia nocere innocenti, iure naturæ est vitium. Sed Malefici Magicis artibus plerumque nocent innocentibus, ut patet de fascinariis & alijs Maleficijs. Ergo iure naturæ tales artes sunt prohibita. Quod iure diuino patet Exodi 12. Maleficos nō

patio-

patieris viuere. Et Leuit. 24. Vir, siue mulier, in quibus
Pythanicus, vel spiritus diuinationis fuerit, morte
morianetur, lapidibus obruent eos: sanguis eorum fit
super eos. Vnde propter hoc peccatum Ochozias in-
firmus mortuus est, quarto Regum primo, & Saul
primo Paralipomenon decimo.

Quod iure Canonico sint prohibita, patet, quia Pœna Magi-
cum statuta
in Iure Cano-
nico.
Diuinatoribus & Maleficis occultis imponitur
pœnitentia quadraginta dierum, extra de Sortilegiis.

cap. 1. Si notorijs sint, Eucharistia negatur, de consecr.
d. 2. pro dilectione. Si sit clericus, deponendus est, & in
Monasterium retrudendus. 26. q. 5. Si quis Episcopus.

Vbi sic habetur: Si quis Episcopus est, aut Presby-
ter, aut Diaconus, vel quilibet de ordine clericorum,
Aruuspices, aut incantatores, aut ariolos, aut certe au-
gures, vel sortilegos, vel qui profitentur artem Magi-
cam, aut aliquos eorum similia exercitantes consuluisse
fuerit deprehensus, ab honore dignitatis sua suspensus
Monasterij curam excipiat, vbi pœnitentia perpetua
deditus, scelus admissum sacrilegij soluat.

Clericus di-
uinator vel
Magus in Mo-
nasterium de-
truditur, ac in
perpetuum
catechetem.

Si laicus, excommunicationem incurrit. 26. quæst.
5. Si quis Ariolos. Tales etiam infames sunt, & qui ad
eos concurrunt, vnde nec ad accusationem debent ad-
mitti. 2. quæst. 8. quisquis.

Quod iure ciuili prohibeantur patet, quia insecta-
tores earum delicti mortis supplicio subiaceant. C.
de maleficijs. l. nemo. l. culpa et l. multi. vbi sic habetur:
Multi Magicæ artis vijs, elementa turbare, vitas in-
fantium labefactare non dubitant, & manibus accitis

Pœna confi-
rta Magis à
Iure ciuili.

audent

audent ventilare, vt quisq; suos conficiat malis artibus inimicos. Hos quādo natura peregrini sunt, feralis pestis absumat. Et legibus duodecim tabularum pœne grauissima Malefica sunt imposita: patet per Tullium libro de legibus.

Pœtarum testimonio cōtra execrandam Magiā.

Pœta etiam sentiunt has artes esse vitandas. Vnde Virgilius 4. Aeneidos, vbi Dido sororem sic alloquitur: Testor chara Deos, & te germana tuumq; Dulce caput, Magicas in vitam accingere artes.

Nec valet dicere, vt videtur, quod notitia istarum artium in se sit bona & utilis, quanquam vsus earum sit perniciosus, quoniam 26. q. 2. habetur, quod Christiana pietas condemnat Mathematicas, etiam si vllum sacrificium vel vlla preces ad aliquem spiritum dirigantur.

Non studendum propterea Magiæ vt hac ratione illos confutemus.

Si autem dicatur, quod studium istarum artium sit licitum ad eas confutandum & reprobandum. Hoc non placet, (saluo meliori iudicio) primo, quia per hoc retardarentur homines à studio vtilium artium. Secundo, quia cum homines naturaliter scire desiderant, ea magis quæ admirationem secum ferre videtur, esse non posset, quin imbuti his pernitiōis artibus, experimento scire cupiant, mira illa quæ per eas fieri posse pollicentur. Et sic patet confutatio sui dicti.

In Hispania quondam nō tollerabātur artes Magicæ.

Ex quibus simul cum optima illius regni politia infero, quod nec apud Toletum, nec apud Salamāricam, aut quamlibet aliam Hesperia partem hac tempestate Magicæ artes tollerantur.

Sed est sciendū, quod iam olim apud Salamāricam
præbentur

urbem, Idolum marmoreum in profundissima cauea
positum colebatur, cui Damon assistebat, instruens in
huiusmodi artibus eos, qui sibi certis pactis & inuoca-
tionibus subicere volebant, qui post tractum temporis
in quibusdam affectibus admirabiles apparebant. Ve-
runtamen non modo a diebus multis, verum et ab an-
nis antiquissimis cauea illa obstructa est, & desuper
Ecclesia fabricata. Idolum vero predictum ante Eccle-
siam, in via publica à pertranseuntibus conculcatur
adeo, ut vix sculpturae vestigium appareat. Et sic patet
corollarium.

ET quia ea, quibus Magica artes acrius sunt im-
probata ex Christi doctrina sunt accepta, infero
finaliter, quod Christi doctrina fideles omnes à Mago-
rum Maleficis purgantur. Quod est corollarium respō-
sum ad quaestionem per sacra legis Doctorem mihi
propositam. Cui atq; vobis diuinarum literarum
in terris arbitris, dicta submisso
corrigena.

FINIS.



Per marmo-
ream statuā
Satan paci-
scitur in Hi-
spania cum
Magis.